

Rad na jačanju regionalne saradnje na Zapadnom Balkanu: dostignuća i izgledi

26. i 27. novembar 2015. godine, Jahorina, Bosna i Hercegovina

Tokom diskusija u okviru regionalne konferencije koja je održana 26. i 27. novembra na Jahorini, Bosna i Hercegovina, parlamentarci, eksperti i ministri zemalja Zapadnog Balkana su iznijeli nekoliko ključnih teza, aspekata i preporuka. Zaključci i preporuke nisu obavezujući za parlamente i mogu poslužiti kao smjernice za djelovanje koje članovi odbora u okviru NPC-a mogu predložiti u kontekstu unapređenja IPA II programa i budžetskog i finansijskog nadzora na području Zapadnog Balkana.

Na nivou Mreže su prepoznati rezultati ostvareni u posljednje tri godine, na koje se poziva i nedavni izvještaj o procjeni regionalnih parlamentarnih inicijativa za potrebe Evropske komisije¹ i ona poziva na dodatnu i intenzivniju regionalnu saradnju između parlamenata zemalja Zapadnog Balkana u pogledu pridržavanja Berlinske agende, zaključaka Bečkog samita i ključnih ciljeva zemalja Zapadnog Balkana u pogledu evropskih integracija.

U oblasti evropskih integracija i nadzora nad sredstvima iz IPA II

- Parlamenti zemalja Zapadnog Balkana treba da iskoriste ekspertsku i druga znanja civilnog sektora kako bi se uključili u na dokazima utemeljeni proces pregovaranja sa EU;
- Parlamenti treba da se pozabave intenzivnijim nadzorom učinkovitosti i efektivnosti u pogledu trošenja sredstava iz IPA II programa, na način da će koristiti dobru praksu u oblasti nadzora koju primjenjuju parlamenti i civilni sektor u regiji Zapadnog Balkana;
- Kada je to moguće, parlamenti treba da ojačaju svoj angažman i učešće u programiranju i planiranju korišćenja sredstava iz IPA II na državnom nivou;
- Parlamentarci uključeni u rad Mreže treba da saraduju na regionalnom nivou kako bi se prijavili za korišćenje i iskoristili sredstva iz IPA II koja, nadalje, mogu poslužiti za razvoj kapaciteta parlamenata na nivou zemalja i regije, kao i da rade zajedno sa Vestminsterskom fondacijom za demokratiju prilikom pripreme aplikacija za regionalne parlamentarne projekte tog tipa.

U oblasti budžetskog i finansijskog nadzora

- Mreža parlamentarnih odbora pozdravlja uspostavljanje parlamentarne kancelarije za budžet u Narodnoj skupštini Republike Srbije kao prve parlamentarne kancelarije za budžet u regionu Zapadnog Balkana.
- Učesnici Mreže pozdravljaju razmjenu informacija o najboljoj praksi u oblasti budžetskog i finansijskog nadzora na regionalnom nivou i pozdravljaju buduće regionalne razgovore o budžetskom i finansijskom nadzoru na bilateralnom i multilateralnom nivou.

¹ http://ec.europa.eu/enlargement/pdf/enlargement_process/2015-02-17-mapping_and_analysis_report.pdf
http://ec.europa.eu/enlargement/pdf/enlargement_process/2015-02-17-capacity-building-report.pdf

- Ako za to postoje odgovarajući kapaciteti, parlamenti treba da rade zajedno sa Vestminsterskom fondacijom za demokratiju i drugim potencijalnim donatorima i partnerima sa ciljem osnivanja kancelarija ovog tipa, kao i zatražiti od VFD da na nivou regiona Zapadnog Balkana razmijeni informacije o najboljoj praksi do kojih se došlo u okviru rada sa Narodnom skupštinom Republike Srbije.
- Mreža poziva svoje učesnike da razmijene informacije u vezi sa zaključcima i preporukama utvrđenim na regionalnoj konferenciji o budžetskom i finansijskom nadzoru koja je 20. i 21. februara održana u Tirani.

U oblasti sprovođenja zaključaka iz Beča i Berlinske agende:

- Parlamenti imaju ulogu u unapređenju i jačanju procesa informisanja o Berlinskom procesu, kako bi ga približili građanima i proširili internu raspravu o toj temi na parlamentarnim sesijama.
- Jedan od najvažnijih zadataka u predstojećem periodu trebalo bi da bude uvođenje metodologije za prioritizaciju projekata koja proizilazi iz Berlinske i Bečke konferencije. Parlamentarci treba zajednički da rade sa svojim kolegama iz regiona Zapadnog Balkana na koordiniranju platformi, čime će podržati ovaj proces. „Agenda povezivanja“ mogla bi biti jedan od prioriteta na regionalnim parlamentarnim forumima.
- Tokom konferencije, ministar za vanjske poslove BiH i ministarka bez portfelja za evropske integracije u Vladi Srbije prepoznali su vrijednost Mreže parlamentarnih odbora za ekonomiju i finansije i evropske integracije Zapadnog Balkana i pozvali na dalju regionalnu parlamentarnu saradnju u okviru ove Mreže, te iskazali podršku njihovim budućim inicijativama.
- Preporučujemo da Mreža parlamentarnih odbora i parlamenti učesnici budu uključeni u analizu, monitoring i nadzor nad strateškim dokumentima povezanim sa Berlinskim procesom.
- Pozivamo ministre vanjskih poslova, ministre za pitanja EU i ministre finansija da uvedu praksu redovnog izvještavanja svakih 6 mjeseci prema parlamentima u regiji Zapadnog Balkana o svim nacionalnim i regionalnim projektima koji proizilaze iz Berlinskog procesa.